

LUTRIJA BOSNE I HERCEGOVINE d.o.o.

UPRAVNI ODBOR

Na osnovu člana 16. Zakona o igrama na sreću („Službene novine FBiH“, br.1/02. i 40/10.) i člana 13. Statuta Lutrije Bosne i Hercegovine d.o.o. Sarajevo („Službene novine FBiH“, br.43/03.), Upravni odbor Lutrije Bosne i Hercegovine, na sjednici održanoj dana 11.09.2013. godine, donio je

P R A V I L A

novčane srećke “3 u 1”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “3 u 1” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “3 u 1”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „3 u 1“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Novčana srećka „3 u 1“ u sebi sadrži dvije (2) igre i to osnovnu igru i bonus igru. Dobitak se kod srećke „3 u 1“ može ostvariti samo u jednoj od ove dvije igre, a ne istovremeno u obje.

Član 4.

Rok prodaje srećke otisnut je na srećki.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).

Srećka glasi na donosioca.

4. PODRUČJE PRIREĐIVANJA U IGRE

Član 6.

Srećka se priređuje na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan milion) komada srećki. Novčana vrijednost emisije srećaka iznosi 1.000.000,00 KM (jedan million Konvertibilnih Maraka).

Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka iznosi 65% od emisione vrijednosti, ili 650.000,00 KM, a iznos se dijeli na 355.760 dobitaka i to na 317.240 dobitaka u osnovnoj igri i na 38.520 dobitaka u bonus igri.

Fond dobitaka serije se raspoređuje po slijedećem planu:

PLAN DOBITAKA OSNOVNE IGRE:

Komada	Dobici	Iznos
40 x	1.000,00 KM	40.000,00 KM
400 x	100,00 KM	40.000,00 KM
800 x	50,00 KM	40.000,00 KM
6.000 x	10,00 KM	60.000,00 KM
60.000 x	2,00 KM	120.000,00 KM
250.000 x	1,00 KM	250.000,00 KM
317.240		550.000,00 KM
Trostruki dobici		40.000,00 KM

PLAN DOBITAKA BONUS IGRE:

Komada	Dobici	Iznos
40 x	100,00 KM	4.000,00 KM
80 x	50,00 KM	4.000,00 KM
400 x	10,00 KM	4.000,00 KM
1.000 x	4,00 KM	4.000,00 KM
7.000 x	2,00 KM	14.000,00 KM
30.000 x	1,00 KM	30.000,00 KM
38.520		60.000,00 KM


8. OPIS SREĆKE

Član 10.


Srećka je pravougaonog oblika, a štampana je u samo jednoj varijaciji.

Prednja strana srećke sadrži:

- Naziv srećke „3 u 1“;
- Logo Lutrije Bosne i Hercegovine;
- Cijena srećke;
- Dvanaest (12) polja za grebanje u okviru osnovne igre;
- Polje za grebanje koje je označeno sa oznakom „x3“;
- Tabelu dobitaka osnovne igre u kojoj je naveden slijedeći raspored dobitaka:
 - $3 \times 3 = 1 \text{ KM}$
 - $4 \times 3 = 2 \text{ KM}$
 - $5 \times 3 = 10 \text{ KM}$

- $6 \times 3 = 50 \text{ KM}$
 - $7 \times 3 = 100 \text{ KM}$
 - $8 \times 3 = 1.000 \text{ KM}$
- Tekst: „Ukoliko ispod polja za grebanje u osnovnoj igri pronađete tri ili više znakova sa brojem „3“ osvojili ste jedan od dobitaka iz TABELE DOBITAKA OSNOVNE IGRE. Ukoliko pronađete i znak „x3“ ispod polja „x3“ vaš dobitak iz osnovne igre se množi sa tri.“
 - Natpis „Bonus igra“;
 - Tri (3) polja za grebanje koja su prekrivena emulzijom i označena sa znakom djeteline Lutrije BiH i jedno (1) polje polje za grebanje na kojem stoji natpis „Novčani dobitak“;
 - Tekst: „Ukoliko pronađete tri ista znaka u poljima  osvojili ste dobitak ispisan ispod polja NOVČANI DOBITAK.“
 - Barcod za uplatu i polje prekriveno emulzijom na kojem je ispisan natpis „NE SKIDAJ“.

Poledina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo „Pola sreće drugima“;
- Logo WLA – Certified Security Control Standard;
- Logo ISO 27001 – TUV NORD
- Tekst: „NOVČANI DOBITAK: Ukoliko ispod polja za grebanje u osnovnoj igri pronađete tri ili više znakova sa brojem „3“ osvojili ste jedan od dobitaka predviđen rasporedom dobitaka u „TABELI DOBITAKA OSNOVNE IGRE“. Ukoliko se po skidanju emulzije sa polja označenog „x3“ pojavi oznaka „x3“ ostvaruje se predviđeni dobitak u trostrukom iznosu“.
- Tekst: „Ukoliko pronađete tri ista znaka u poljima  osvojili ste dobitak ispisan ispod emulzije označene „NOVČANI DOBITAK““.
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.
- EMISIJA 1.000.000 SREĆAKA, EMISIONA VRIJEDNOST 1.000.000,00 KM.
- FOND DOBITAKA iznosi 65% od emisione vrijednosti ili 650.000 KM.
- PLAN DOBITAKA OSNOVNE IGRE
- PLAN DOBITAKA BONUS IGRE
- PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo.
- Datum prodaje do otisnut na srećki.
- Podaci o dobitniku: Ime i prezime, adresa, JMB.

9. UTVRĐIVANJE DOBITAKA

Član 11.



Igrač utvrđuje dobitak skidanjem emulzije sa svih dvanaest (12) polja za grebanje u osnovnoj igri na prednjoj strani srećke. Ukoliko se nakon skidanja emulzije sa svih dvanaest (12) polja predviđenih za grebanje otkriju tri ili više znakova broja „3“ ostvaruje se novčani dobitak određen u tabeli dobitaka osnovne igre koja je naznačena na prednjoj strani srećke.

Dobitak se može ostvariti samo ukoliko se ispod emulzija u osnovnoj igri pronađu tri ili više znaka sa brojem „3“. Sve ostale kombinacije brojeva nisu dobitne. Ispod dvanaest (12) polja za grebanje se mogu pronaći svi znakovi sa brojevima od 1 do 99 izuzev dvocifrenih brojeva koji sadrže broj 3 (13, 23, 30, 31, 32, 33, 34, 35, 36, 37, 38, 39, 43, 53, 63, 73, 83, 93)

Dobici u okviru osnovne igre se mogu ostvariti u jednostrukom i trostrukom iznosu.

Ukoliko igrač nakon skidanja emulzije sa polja označenog sa „x3“ otkrije ispis „x3“ tada se njegov dobitak ostvaren u osnovnoj igri množi sa tri.

Ukoliko igrač nakon skidanja emulzije sa polja označenog sa „x3“ otkrije ispis „x1“ tada se njegov dobitak ostvaren u osnovnoj igri množi sa jedan.

Igrač ostvaruje dobitak u okviru bonus igre ukoliko nakon skidanja zaštitnih scratch-off emulzija sa polja označenih znakom djeteline Lutrije BiH, tj. sa polja označenih sa , otkrije tri ista znaka djeteline Lutrije BiH, tj. tri sljedeća znaka . U ovom slučaju igrač osvaruje dobitak koji je ispisan ispod polja označenog sa natpisom „Novčani dobitak“.

Igrač može ostvariti dobitak samo u jednoj od dvije igre, a nikako u obje istovremeno.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj:01-19-1889-4/13.
Dana: 11.09.2013. godine

P R E D S J E D N I C A
Ivana Bunoza, s.r.

